

Die Nagglmaiern.

Uff die bol-  
littisch Bred-  
dig vum Sam-  
stag zur Ab-  
wechslung e  
Schickl aus'm  
Familielewe,  
Leitche. Def  
neischte Heil,  
def d'r Fami-  
lie Naggl-  
maier widder-  
fahre, is näm-  
lich: daß eeni  
vun ihre Dch-  
ter Braut  
worre is. End-  
lich eeni  
Braut. Gott  
sei Lob un  
Dank. 's is  
mein Elschti,  
die ich aus'm  
Haus un d'r  
Koscht krieh.  
Es war aah  
die heescht  
Zeit, Leitche.



Die neinezwanzigscht Summerfalt hott  
sich bereits sehr bedenklich uff ihm sogenannte Ala-  
bachterschirche ausgenomme. Awer wann e Mutter  
e Braut im Haus hott, soll se norr nit mehr iver die  
Gaf gehn. Wann ich aweil Morgens am achte uff de  
Mark schbring, un will mer schnell mein bissl Sach  
einkaafe, kumm ich gewiß Mittags am Zwelfe ericht  
widder heem. 's is nit vum Blag zu kumme. Ganz  
Heidlberg will mer gradliere. No, un wie weit als  
es her is, mit so Gradulatione, weech ma jo. Wie  
manchi Fraa Baas driekt eem die Hand, wünsch eem  
Glic un Seege zum glickliche Familieereigniß un denkt  
dabei: D'r Deiss soll eich die Kerz halte, wann d'r  
Hochzig halt. — Un warum fiehrt so e Fraa Baas,  
die eem so freindlich in's G'sicht is, oft so bitterbeese  
Gedante im Schild? Warum? Sie hott vielleicht e  
Dchterle daseem fige, die noch Hawer derre muß. —  
So'n beeser Wunsch soll iverigens 's greschte Unglic  
sein. Wann ma norr sunscht vum Blag kämt, wann  
eem so'n feierschbeierender Drache uff'm Mark emool  
angebabbt hott. Awer do werd zehm mool d'r Henk-  
forb in de Arm genomme un zehm mool widder ab-  
g'schtelt. — No, wann werd dann eigentlich Ihr Ma-  
riele gedraut, segt am Montag die alt Erbskatl zu  
mer. Ich meegt mich gar so gern an ihm Hochzig-  
dag mit d'r Linsmaiern an's Nothhaus schtelle. Die  
Huhlbergern will 's Mariele aah im Brautschaat sehe.  
Die Hitebligin loht sich's aah nit nemme, Nagglmaiern.  
D'r Schtramblmaiern un d'r Zitronelissl muß ich's  
aah noch sage — un die Schnappsleene kummt uff alle

Fäll. Ihr Mariele soll sehe, daß mer all unser Freed  
an ihm Hochzigdag ann'r hawe. Norr uff keen Frei-  
dag, Nagglmaiern. Die Freidag sinu Unglicsdag. So?  
Sie lacht? segt se, hott se g'sagt — awer ich sag'r,  
die Mariele hott ke vergniegti Schtund mehr, wann  
se sich uff'n Freidag kupplire loht. Norr nit. — Un  
dann wie siehchts dann mit'm Loschie aus? Hawe se  
schun eens, die junge Leitche? Un wo dann, wann  
ma frooge derf? Un wie siehchts dann mit de Hei-  
rathsbabiere aus? Alles in Ordnung? Was? Noch  
nit? No, def wunnert mich grad nit. Siehch Se,  
Nagglmaiern, es is jekt ball dreißig Johr her, seit ich  
mein Mann, de Rudlhannes geheirath hab, awer wann  
ich an de Heirathsbabierkroom denk, den ich g'hatt  
hab, is mer's noch wie heit. Die Jagd vergeh ich  
mein Lebtag nit. Do hott ball def, un hott ball fell  
Babierle g'fehlt. Do war ball d'r Naame uff'm Dode-  
schein vum mein Großvatter, vum alte Derkemichl, nit  
recht aus'm Kerchebuch rausg'schriewe, un ball war d'r  
Naame uff'm Schterbschein vum mein Mann seiner  
Großmutter seelig, vum d'r Aweschemaiern, nit ganz  
recht g'schriewe. Ball haw ich g'sagt kriecht: Do muß e  
Y for e J schtehn, un ball: Do muß e J for e Y  
sein. Un do fehlt en Schtrich, un do fehlt en Punkt.  
Un wie alles aus un fertig war, hott d'r Herr Parre  
zu mer g'sagt: Sehn Se, liebs Kind, def Babier  
hätte Se nit gebraucht un fell Babier wär nit ne-  
thig gewest. Ich sag'r Nagglmaiern, segt se, hott se  
g'sagt, die alt Erbskatl — in Kroom un e Werrth-  
schaft haw ich g'hatt, daß ich mein Lebtag nit mehr  
heirathe meegt, wann mein Mann, d'r Rudlhannes,  
vor mer schterwe dhät. Unser Herrgott schenk'm e  
lang Leewe, daß ich nit mehr in die Versuchung kumm.  
Mein Mann hott iverigens noch e ganz g'hundi Kuttl,  
Nagglmaiern. Mein Mann drinkt noch uff een Sitz  
die vier Johrzeit durchenanner, nämlich: Rothe, Weiße,  
Alte un Neie! Awer def is all noch nir. Sie kennt  
doch mein Schwooger, Nagglmaiern, he? Kennt's'n  
nit, de Russejatowl mit de Darsieß? No, do loß Se  
sich emool verzähle, neilich —

Weiter haw ich's nit mehr ausg'halte, Leitche!  
Heer Se emool, Erbskatl, sag ich, haw g'sagt — Sie  
kummt aus'm Hunnerschte gleich in's Dausendschte.  
Loß Se mich um Gottes Jesses heilige Wille jekt doch  
emool am Kock gehn! Do guck Se emool uff die Heilig-  
geischtdormuhr. 's is jo hol mich d'r Deiss iver Ihr  
Gebabbl schun halwer Zwelfe worre. Un noch ke Flesch  
bei gemacht. Adies Barthie! — So is mer's am Mon-  
dag mit meiner Brautschafft uff'm Mark gange. Mein  
Lebtag sez ich drum ke Verloowungsanzeig mehr in's  
Blättl odder loß Karte runschicke. — Un dann ab-  
g'jehe vum Leitgebabbl — ich wollt aah aus annere  
Grinde, daß die Hochzig schun vorbei wär. Norr ke  
langi Bekanntschaft. Die Kifferei un Kanebeerumhocke-  
rei, die ich aweil alle Dowend mit ansehe muß, schteht  
mer aah bis am Hals. B'hiet mich Gott for der  
Moode aweil. Dann:

Vor d'r Hochzig dausend Rih,  
Noch d'r Hochzig dausend Schmieß!

Druck und Verlag von G. Geisendörfer.